





良齋先生薛常州浪語集卷第十

詩庚 古調二十五首

送張漕還停舟樊港訪退谷



送客過樊溪停橈退谷口不見元次山靜立躊躇久
巉巖兩石峰猶疑入戶牖杯湖正宜泛煙塞僅盈肘
糞壤瘞杯樽勿復堪賭酒扁舟泛然者長歌挈敝笥
浩無風塵意將恐是輦叟自知千進客對面弗敢扣
從之人甚遠慚顏為之後厚武昌非昔人望絕不得友
它時賦歸歟湖谷定吾受此心介如石自誓何樊母

登怡亭故址

卷之十

江濱篆真石渾謂有神畫閑作故亭遊心知古人迹
竹踈徑微通天遠荒自闢長江浩無涯滄溟羸咫尺
行戍西山徒步抵寒溪寺
杖履竹林遊陟降西山道念念不是閑借覺寒溪好
潭魚戲憑虛注水喧幽草埋荒古人迹樹伐庭如掃
桴鼓又相聞我心為之慄

感事

潼華覆哥舒陳濤憤次律賴有李猪兒登憤扶唐空
長城賢已遠惟獄峻方崇借問南朝事江流第一功
陪劉提點遊西山

我家西山下早晚空翠滴漫士鄂王城西山悵難覓
不知寒溪上好景天意錫舉趾異川陸千里共岑寂
邱原動歸念魂夢時歷歷東吳蹇甌粵信美心愈感
古見似人喜鄉閑今有覲且作西山遊笑顏忻自赦

送中司抵巴口

將迎若不易浮堪良亦難橐鞬候使客無時弄江灘
上磧下南浦風雲怒濤問一葉舞軒昂五水戲觀瀾
朝湖暮淮西此遊今等閑香盡楚山碧信宿相與還
晴巒挂天衣水石鳴佩環輕舸蓑笠翁勿與人事閑
相彼塵外意心清緒為闌何時買扁舟從公看屬顏

病起

烝鬱斷梅天薰風故微細夢春今已度避暑如何計
樹老山一色蛙喧草無藝病興意愕然到眼多蕪穢

晚雨朝霽杯端煜然望之皆寶珠也戲作四
十字

晚雨在林麓朝來晴下天蟻瀾翻漾明月桀爛生摩尼
撒殿固無事雨天亦何為少須風景麗去去將安之

賞雪

晃朗長江北天地都無色扁舟撐短篷一鳥歸飛亟
遮莫凍凌兢如人酒量增鰲山不是照天地一明燈

二十五日雪

裘褐透膚寒颼刺春將半雪作絮花飛袞袞攬零亂
天地合清明虛極浮江岸鳥窮棲樹端走拘欣挑獵
埋路已旬浹四野都瀰漫郊行悄無跡惟有神光燦
茅簷過尺摧爐火生無炭凍死未能詩達人方大觀

和賈簿雪

早起怪音廬去天才一尺始疑大朴還掩盡幾陳迹
比屋皆可封列地班圭璧照我爛輕明却似初出日
仰頭不可見恐是老鴉食擬倩玉川子叫闔聞帝席
穹壤合為容事乃非人力心膽為之寒且退然枯荻

曲身今已直，促織休唧唧。此意可告客，苦乏鄭莊驛。
履霜至堅冰，何當介如石。鷄鶩有逐婦，相從如娣姪。
飢躄苦樹顛，到夜無入室。自蠟登山屐，借問何所適。
我亦無所適，隔鴈期太乙。庶見太昊氏，鷓視剖我憶。
黃楊生拳石，間王彥村。以為贈且賦，之走命。
曰孤山貞幹次韻以酢。
孤山有貞幹，不比尋常木。蟠根怪石巔，亭亭自生育。
百物進相高位，閤知蹙縮散。葉傲風霜，膠枝外林檎。
琴桐嶧之陽，逍遙兩俱足。夸父徙我庭，如仁示其目。
股掌翫何言，遂可移風俗。

夜深

為問夜何其，明滅燈將半。雨雪濺聲繁，霆電流光爛。
初筵向闌珊，遊子紛繚亂。誠知宴樂娛，不怕泥塗漶。
齋居靜無他，天德全弗畔。吟徹借筇頭，假山餘一燿。

偶書

天公不好事，月夜雲埋月。遊人且勿遊，辜負良時節。
霖霖漲塗淖，雷電騰飛雪。蓮花燈可憐，對明不同滅。
中秋對月戲呈寬舉諸兄

君不見，決明混沌江之涓。含胎吸月懷清輝，圓淨唾
將珠與璣。又不見，明視中原雲月靜。跳擲回旋願形

影生兒往往皆毛穎由來逐物未忘机勞生吞吐知
惟時觀美為人奚以為獨坐金風塵慮省皓月斜何
星耿耿草頭溽露侵膚冷平生不解飲和歌無人對
月醉顏醜月朗清秋奈月何睡思竭來剛引領林岫
參差弄光景不知月已沉而嶺

開窗

溽暑未成雨蚤雲猶在郊開窗挹涼颺遠山見林稍
木葉已成陰野鳥鳴凋凋鏡靜碧池湛清冷無混淆
會意紛萬途錢荷貫叢艾寂坐一堂上默默神明交

子規恨

風篠扣吾扉有人來我語語好不須多都不如歸去
開門我見客子今何許竹下得流虹人言為杜宇杜
宇昔王蜀不自安當宇相歸蚤滯遊微行時躑躅蛟
龍水困哀怨成飛羽規名釋爾足茲事則然否楊雄
蜀本紀望帝亦賢主仙去正啼規去思傳往古不妄
信斯言王去非輕舉蒼天悲此民故使規聲苦悅履
感斯意八極歸客與到今惟一人後躅追無侶所以
百世下直指不得教聲盡繼以血空教瀝肝腑其然
豈其然臣事君者取

聞齊安雜詠板成從沈守求印蒙以為贈

軼縣西南弦子國使君昭代文章伯氣吞雲夢納東
坡心在江湖輕赤壁月波蕩漾春山色崢嶸洲草芊
芊碧政平訟簡暇居多杖履逍遙神自適到眼風光
看如畫卷畫溪千舊遊者高亭矗立畫不如坐歎雲
屏自天寫使君好客非春申一變已足無餘人哦詩
五百畫清警立使江山景物新江山景物古來有前
賢相與天長久近來百草漸埋沒賴有此詩為一剖
使君好善人如已鏡板中箱波遠邇良知何獨此麻
城天下行間為商起我拘官禁儻抗葦跋望亭高衣
帶水高唐想像賦神遊遊客言師詩信美空書從學
穆清風得見異書人見同鮮嘲不用潘邠在只在光
坐指顧中

永嘉行

茂甫清談平子醉晉俗浮虛喪節義不閑胡虜哭桑
林九伯五侯無一至洛陽宮中胡馬嘶晉家天子行
酒卮驅出如羊晉卿自婦屏面前爭敢知知兒居坐
漢官立不許紛紜但含泣刃如頸上始知憂追悔前
將又何及胡塵坐起昏中土人死如麻骸如草草菜
萬里無舍烟羶帳羊裘自來去烏旗霧合胡笳咽無
援邊城斷腸絕琅琊匹馬竟浮江奔真存心堅片鐵

天驕一坐船陽殿九鼎遷移如轉電禁聲不得悲楚
因白版金陵謾龍變數竒督運淳于伯誅斬無名血
流逆若思不識是何人却使帥帥監祖述

雪中送客寒溪堂

前年送客寒溪堂桃李璀璨寒生光今年送客寒溪
道滿望六花形欲稿前歲今年時不同同為送客寒
光中寒光山積都相似誰信冬春長有此廣寒宮殿
不勝寒世界瑣瑤無乃是如何名此作寒溪炎天風
色鎮淒淒不緣送客不易到送客情懷將可為君不
見瑤池高宴非不竒穆王猶自賦吾歸

可憐

可憐甌越湖山主厭向黃紉聽鼓鬪鴨能言名目呼
子規歸去啼教苦傷情羈雁却離群適意馴猫哺相
乳端是三年貧客官方春定得離南浦

假山次葉師文韻

大陰城居無世喧疑星塵外非人間武都聊試五丁
力一笑天公為解顏翠蘿散作麻姑髻枕漱從宜長
飯義青山元自野人物版築徒然歸東第無論千假
湏一真坐對北山南起雲一邱一壑丈夫事安在窮
遊探古文平生樂處天真假還視王公猶土苴它時

買山歸敝廬定須作屐隨高下

蘆花

秋風摘索鋪寒雪敗葉枯條互明滅淡蕩閑塘搖夕
陽橫斜斷岸凌高節無言吐日書空執祀奉意
綿蕪望極瓊瑜鋪糾結漁歌何處敲淒切

柳絮

韶光風光將欲暮柔條繁日縈非霧寂歷閑庭芳草
路眉開青眼多情度脉脉依愁不如欲翔未定遑
容与体輕委蛻韶華去飄泊晴天離又聚高低上下
當何住捲春匪蹴球先赴小院深沉鋪月素卿雲暗

逐凌波步撲撒追隨無定處水霜峭覺回寒泛梁王
有客能辭賦滄涼雪苑知誰訴王神山攻寶璐屑
虛花奈憑據還思道蘊驚人語

香棠

旧說海棠無香惟昌州海棠有香驗之蜀
道信然以為不易之論樂圃有棠三本其
花亦香乃知非蜀棠獨香棠自有種耳
世間元無有窮恨海外棠花宮錦爛燒炙東風春來
半濃裝獨立情繚亂博山鑪冷沈烟斷記語洛妃池
側畔桂衣透濕飄香汗舞罷霓裳高燭看吳苑散花

灘彼岸亦有當初日遊觀棠梨古運霞光燦薔薇露
冷衣新盥袖卷悠支紅入曉噴人蘭芷芳都貫天然
種性珍竒玩嶺海誠知煎可爨擬擷柔柯燃熾炭裒
取緗巾水傳玩它年留得重公案

艮齋先生薛常州浪語集卷第十

艮齋先生薛常州浪語集卷第十一

詩辛古詩三十二首

元日

星回斗直寅夏臘變王春否泰反成卦乾坤老逼人
元正長日月大化少逡巡世事初無始天時自一新
祇愁梅片片不見草欣欣善頌聞椒酒蒼天拱北辰

孔子

蕩蕩東家丘百世人叵識出類只誇解太極無合德
堯舜未可過遠賢真貨殖我欲究遺編言非是竒特
從之如有立卓爾既吾力大哉乾元一語覓不得

比年士風銳進求薦章者殆如辨獄擠排詆
訐無所不至客有勸予干當路者二首

見疾多朝士爭名卒未休急流湏退勇焉可又隨流
靜退方真樂趣時未遽非不知全道者進退兩忘機

疴疾中元武示詩走筆次韻

鄙人病在床政苦風寒侵之子步池上攀條哦柳陰
擲我珠玉辭瘡鬼毛髮森豁爾脫沉疴倏然洗煩襟
何當漾輕舫相與從茂林清興諒不淺此情殊未禁
強歌下里曲廉和白雪音請問覺軒詩何如梁父吟

江夢孫二首

聿修去天長却泛宮亭水百世友淵明放意匡廬趾
為愛千金軀不自知臧否非關走庭下腰折慙小子
少學愴難行富貴立所恥一為田園念歸思輕脫屣
斗大印黃金各各從所美二士志俱得何其尚留此
聿修去天長元亮歸彭澤把版豈難^能趨庭且非借
古之盡心者樂以所求獲云已廢明氏寧當究安宅
大輿輻可脫無當厄何益君子之所為百世空陳迹
巴口相地作大軍倉

南浦縱蘭橈打頭清旦風鳥飛圖障遠人皺縠紋中
銜尾過千椀頽頽無萬叢端愁少槃飢生子亦群戎

送韓國器登舟至石門視窪樽逮暮乃返

縱步石門下江山主意勤窪樽酌玄酒未飲吾已醺
泉明得聲叟萬古真同羣杯湖有明齊退谷今猶薰
我行到殊亭西日沉就曛陽冰著真蹟祇恐生玄雲
回眸望西塞慘澹波無垠洄泛樂之子行舟言采芹

我客

昔我客荆梁從事清蕖幕太倉蠹紅腐吹竽濫東郭
去作徒勞吏青衫走樊鄆撫字亦何心催科狀管掠
借問差少愧而今不如昨天遊內干于紛至攘六鑿
鑄此一錯字為費幾魏博閒居幸從容琴書有真樂

胡然令閑忙遠謝乘軒寫人生百年中藏舟固非壑
顧已習迷迷如蚕自纏縛作詩懺當來聊以慰寥落

欲晴又雨終夕雷電

日昊望雲氣西郊將欲開丹霞漾晴暉清風有時來
歸坐北窗下驚庭殷轟虓流電掣飛雨疾徐鼓巖雷
宛轉頽屋頭終宵響徘徊早起到城市橫流繞汭洄
伊誰補漏天吾州有與蘆灰

跋分定錄

人生紅樹花一謝乃其分春風儘搖蕩剛恨分廷奠
先賢尚龍豢缺月何仄暈譬如陌上塵要是非關運

何邱示無朕子路窮斯愠此理未容言呼兒課天問

鄂城篇

素山野火春風吹驚颺萬馬爭奔馳烏龜阪頭蕃草
木花作灰燼張天飛武昌佐史皆好古煮茗聯鑣訪
城府狂生此意復不淺好士大家何爾汝鄂王城闕
煙蒼蒼鄂王宮殿波茫茫今古都盧一餉頃不見古
人虛引領毫殷豐鎬已邱墟蠻荆興替將焉如死生
建業信徒語石盆古渡猶多魚古人已去安足齒近
事紛紜尚如此君不見淮淝去歲是豐年如今千里
無舍煙

謝王尉見贈龍溪集

稔聞韻鄉人不識韻鄉面班班隱豹文窺管時一見
譬彼闔婆城尋逐滄流漩聞韶在齊國九奏何當變
王侯韻鄉人少長居鄉縣韻鄉指迷途貽我書一卷
森如入武庫寶肆分交薦炭玉屣登臨赫日吹風霰
家雞將野鳧後素詩何絢長安行即到豈在臨淵羨
千金端不如變色先生鱗從可狎江鷗六籍居貫穿
二同舍賦鄂城篇見和文高格古高不可及
而仙尉王文措辭侈甚可以參諸臺符羽檄
間復次元韻戲作

生春暖律誰能吹寸心萬里何當馳威如海內念方
國也思猛士歌雲飛狂遊不識今與古闔閣便作潭
潭府試憑野叟問吳婆俗名鄂城為吳婆城賜不如回吾與汝
高高無是幕穹蒼湖天無雲湖水茫吳楚爭桑如有
頃東鄂幾人全首領古時封國今為墟此心觀古應
焚如歸歟衲被蓋頭臥何妨沸鼎遊如魚舌柔長在
強於齒人間萬事渾如此君不見老聃彭祖俱長年
火化仙乘煙

次韻李浩然喜晴

我愧子康之治蚤其雨其雨而出日靡神不宗始霧

霽將謂有年吾事畢豈其霖霖澍霖霖霽霽又為心
首疾視將圭壁走羣望祈社崇門勤屈膝誠知惡積
怒神天流毒匪緣寒自慄甫田千畝垂有秋刈獲敗
之芳秀實橫流場圃澆洋洋茁茁木頭多耳出仰天
何怨俯何尤退省過愆知自失牢愁僕僕事吁嗟風
雨敢辭頻沐櫛忱誠雖至熾風微舒慘蒼穹焉可必
都緣民困不聊生重以凶荒神以郵義和叱馭黑龍
僂倏忽清明開萬室不知帝力固全真謂我貪天寧
直筆

河豚

卷之十一

豈其食魚河之魴河豚自美江吳鄉
獐蛙豕腹被文豹剛如無趾黥而王
我生甌東到閩方規魚貫見梅花裝
梅青不肯候春雪荻芽靜笑垂飛楊
古來多魚吳武昌薄遊三月新初嘗
西施乳嫩可奴酪馬肝得酒尤珍良
無愁縷縷結中腸豐美肥腩如切肪
外皮甘滑裏皮厚令人忘却美烏郎
舉之東海來三江會聞清濁斯滄浪
白龍未免豫且困臄臄唯唯浮魚梁
氣衝球鞠何彭彭地遠都無檝櫂香
不知深入恣遊泳極情性命徒為戕
腊毒厚味能人忘亡何須西子齊文
姜甚美由未必甚惡直它一死言為
長鯢魚俗物休相妨良藥相傳海上
方蘆根槐子豈足貴生鳳之腦黃龍
湯

東坡在齊安賦海棠詩為天下絕唱年來絕
無此種許仲燔取之武昌作詩寄示

武昌三月春草生撓紅門白皆羣英就中一種信奇
絕芳菲壓盡吳王城侈非牡丹芍明非玉艷陽天日擎
高燭從教深淺色相形不以冰清為不俗文王自昔
基靈囿綠綬朱裳燕朋友醺醲心醉鄂裳裳痛飲醇
醪不關流酒烏一下新王舟颺從火御乘丹邱傳得
飛霞在海外千齡只自生炎洲靈砂不到姮娥竊幾

時赤鳳來丹穴趙壘新張漢幟時闐闐滿望猩猩血
少陵昔謾稱詩豪忘言誇鯉輸琴高剛被東山興妖
女竹菘未可稱蟠桃靈根不分生赤壁遠在水南呈
赫奕朱鳥憑將寄德鄰告言莫看同巾幗王彥材謂東坡以海崇比婦人非是故此皆不言婦人

寒溪送客時李花盛開山谷彌望

寒溪送客荒徑迂玉華璀璨晨光虛仙遊在處見李
白山遠無地尋陶朱雪霜天色際紅岸瓊瑤世界連
廷除飄然幾許認姑射恍若一夢驚華胥寶珪環璧
會王落鐵衣鋒刃交兵車三王純素未云已百姓渾

范方皞如神清洞古世緣在梁園祗是空遺書

蟻啄翻

吳人謂雀為翻

啄翻玄駒子當緣一食耳雪猫與翻俱咽之玄駒乃
與翻俱靡古人防未然精義本如此相教各自慎豈
有失身理翻子輕此蟻終焉食於彼蟻亦甘啄翻但
知翻之美寧知腊毒生厚味大小相吞不搖齒蟻微
不足食反以食翻死不如夏蟲獨飲露壽不知冬亦
良是君不見慕容赫連攘臂起楚漢存亡竟何似

釣臺阻風去得風便

先生非釣名魚釣清冷水太空長廓然浪迹秋光淡

卷之十一

七

人憂我何憂忘怒亦忘喜建武非漢元詎有留侯起
神明全旋地軸姓氏更七里雲臺已埋沒嚴瀨殊清泚
峩峩二釣臺高插烟霞裏首陽遠相比萬祀恒不祀
我來經舊廬敢卜瞻遺几東風迴我舟江步特須臾
仰觀嚴像設敬拜豁煩鄙曾臺暢登臨無復徒仰止
縈迳古道屈望望板蘿藟崇基介崑石特立端不倚
削成二山碧平正章如砥衆山鬱青葱環合分礧礧
清塵生萬象觸睫同一視古人不可見可見安仁美
旅情殆忘返回棹西風駛青蒲挂一席入望俄城市
瞥如周變泰物物非古始乃知主人意待我非朱紫

送迎因下風忙遽均倒屣烹茶出清泉盤饌羅雙鯉
飲之以珍饈浣濯予塵滓相忘語嘿間不假談名理
去留唯我意今昔交汝爾此情固真契何必親之子

乙亥歲東遊會稽謁禹陵過馬臻祠下詢所
謂鑑湖者則已堙塞為民田因賦

登會稽瞰長湖漪漣萬頃皆平蕪桑田改變唯聞說
豈信古今人事殊往時夏后禹道川治水勞馳驅四
支疲弊跛其足過門弗視兒呱呱衆流宗海出平陸
滋人巨浸因卑濬百神效職來大計勤民遠狩崩于
余名山立即此焉始明明功與日月俱馬侯有漢二

千石施仁復古蘇
焦枯浚深倍薄拂
古鏡還使境墮
成膏腴陰邪醜正
富權戚居盲如鬼
捐其軀大君良吏
不復見茫茫陳迹
日就無玻璃湛湛
長芳草蛟龍窟宅
生菰蒲前功不錄
倚墮弃誰何聚歛
浮穿齋庸情非聖
決陂澤遷移膏潤
為官祖昔人舊事
已無在猶有水則
磽長途高田燥仰
下沮洳雨暘無歲
均沾濡咄哉榮利
歸乃室是邦黔首
其何辜反令二主
神淫祀煩此都王
陵委積蠹明幣守
祠澆酹傾清醑禳
禱兩無已跳梁飽
妖巫享祭緣報誠
嘉猷委泥塗神靈
血食已非分無為
耗贖令人吁復續
悵何從我心

徒自悞

張村

皇羲寂已久澆俗無還淳
如何張村毗杳杳全其真
豈不有妻孥茅茨甘賤貧
豈不憚疲勞務時勤耕耘
脫俗未為貴而今焉避秦
青城足躋攀那染龜城塵
枸杞薦盤蔬殊非闕養身
安常樂有餘熙然阜長春
奚其壽而康無知斯體仁
靜言逐臭夫迷途少知津
猥云老人村郊荒絕酸辛
筋骨由堅強誰謂存其神
井蛙議滄冥夫豈窺崖垠
作詩賦張村逝將同野人

舟行樊港望竹間石上李花盛開

卷之十一

九

天下清且奇無過竹與石安得皎然者素質照人白
靜立笑東風篁岡盤罅隙望之輕以明儼似雪初積
青草門欣欣不比梅花折矯首不可到獨自憑空碧
翠帷篠青青巖嶠正虛席我疑碎俗翁方外友三益
又是秦帝宮傳視相如璧人情不易知齒致矧可射
相從知未能灰心從此畫

遊韓魏王書堂

蘭生溪谷中香不為人採明珠含蚌胎融耀鎮長在
裏來馨滿衣磨琢未曾璣君子行之常出處安有改
韓王聞此居山立中鬼窟窈窕二遊女易歲昏有待

柳下學東門百世人不逮乃心毋自欺匪轉焉可怠
用之建邦國所宜烹大鼎我來追後塵六逸先駑駘
美人意桃李德誼見芳莖嗟若眩吾明五色騰日彩

二女篇

天聖中韓魏公居所生憂從其兄瑤守齊
安即安國寺西廡為書堂以居恒有二女
子夜至衣冠高古容裝麗甚公恬不以為
怪及去二女告曰妾非人也亦非仙人鬼
魅遊虜再歲而言不及亂公德士也行之
矣推此澤天下走讀齊安記屈原之死二

女孝慈亦于此投江故武昌郡人以五月
五日競渡投角黍迎神舟上二女非仙人
鬼魅豈靈均二子之精爽耶不然何知人
如此之明而後先居者莫之能見為作二
女篇

矜嫠二美人幽閒真種性色秀雪窗梅衣冠麗修正
巖巖韓稚圭寂寞自清靜虛室掃齋居展禽當季孟
神遊問寒暄不得窺信行怪力視茫茫久要交善教
語之非異類安民公有命蓋聞楚靈均汨羅陳死証
二子終孝慈雙玉澄江暎當初黃鄂人盪槳追遊泳

端午化成俗龍舸長舫競事神微有道角黍勞將迎
非鬼且非仙世士憑誰偵

被命行田未半而羽書至造器者萬別駕其
逼方甚繼復有聞

冷火不再燃事成難重言我苦不憚煩興言念邱園
邱園未得歸行田縣西原暑雨沾我衣菜蕪絆我轅
熊羆百萬衆未易經營屯東征到洪道折柳臨津門
峩峩鳳凰臺墟吳際荒村南湖湛淪漪湍渺波浪翻
路回溪谷間子規踞煩冤流血良自悲誰念望帝魂
不羞五斗腰折支別駕轉松門故鄉類去路馳且犇

羽書如流星萬室崇屏藩荒涼舊村疇億兆不一存
哀教聽杜宇側耳心昏昏山澤久已竭職死何足論
某為令無狀不能化服奸盜至加之刑僇仲
蟠鄉文不以為過又哦詩以寵之是重某之
不肖而播其惡於衆也感愧之劇次韻以酬
漢法在彛鼎三章豈不嚴姦宄恣暴亂宮刑廢舂鉗
未若箕山翁頑夫偃風庶予慙斯人徒為容善謙謙
歐民陷之辟淫刑視齊殲處事禁太速宜犴非為淹
丹書對婦泣職死夫何憚專誅逮垂盡吾辜倍相煎
曾聞鄒魯間禮義人自恬商君就有道絳水驚閭閻

念此一歎息歸來賦陶潛南山信崇極能無刺巖瞻

記遊詩

延陵道士何希全為人坦率狂易居天慶
觀儕輩以風子目之走初識諸妻家嘵嘵
然一多言人也甲申歲至西漸從婦之昆
弟遊訪何之居則聞無人敲扣戶移時而
後希全者出肅賓而坐不交一談同行怪
之視其齋舍蓋凝塵滿屋胡床雖設而拖
泥之板亡矣意其非苟然於世者客退而
主人不送客彊之不辭及門謝以無茶遂

翻然而入詢其行事不語既有年矣晚遊
崇勝佛寺過僧道一不值亦几案間無非
貴人竿牘中庭有枯條不翦謂之龍華放
記按圖乃野菊之下品王公聞人為之歌
謠者至積袂而加多步閱短卷圖書謂必
法書名畫開編而視乃其繪畫成圖一日
之間所遇如此若希全者可謂身如夢幻
而道一者顧以夢幻為真物之不齊有如
此者因思列子之言為發一笑而作此詩
先生混物化浩若鶴與猿結曲此世間倏然脫籠樊

冥心遂無物得意亦忘言客至不點茶猶嗔破苔痕
相逢蜀成都過我故縣村遐觀夢中夢南膜佛因緣
鄭人決真妾子產不能賢寥哉天地間誰省物性偏
夢覺各有殊從他見一邊浩歌歸來手虛堂好晝眠

跋蜡虎圖

刻木牽絲代不乏巧而偃師擅剗刷之技吹簫擊石
師有其能而后夔名制作之宗何哉蓋精義入神則
神藏其用至誠假物則物狀其形寫物之工亦猶是
也婦弟元可所藏虎搏豕圖其枯條衰柳於菟鬣
疏毛設色皆極能品之上至狀虎之蹲伏批豕類而

呬持之豕啼失教手絕足廢精神形度曲盡一時之
理視之使人毛髮森聳若彷徨乎其右也人以宣城
繪人包氏善虎因以色虎名之走謂包虎之形但像
虎耳至狀真虎之態包氏何足以知之夫真虎之形
全於虎者不能到也故走宗為麗歸真盡而名之曰
蜡虎圖歸真梁人朱太祖時以道士召對自言售畫
得錢沽酒竟醉此外無能者嘗為廬山道人寫鷓而
燕雀不敢來集其畫喜圖牛虎常伏草莽以觀虎之
出入或蒙虎皮而倣其搏躍之形故其畫虎之工居
神品上走知非歸真不詳作此蓋惟歸真為能知虎

非走無以識歸真也因跋以詩為之序

歲云暮矣露為霜枯條脫葉衰柳黃郊原寂歷無人
鄉獷牙之豕充稻梁含臙以遊神氣揚有班者虎蹲
在旁低頭妥尾不大忙豕行過之不虎防虎往搏之
搯豕吭豕亡故步教喚長虎如抱兒未遽央豕形雖
在身命亡不如安之充虎腸得之紙本君何從仙人
道士形已忘解衣槃礴裸宋王虎冠虎鞞虎跳踉百
獸望之怖以惶寫鷓鳥雀為罷翔匡廬有潔清祠望
請君懸之政事堂坐令帖伏犬與羊君不見大索之
祭通八方盛德百世祠是常又不見蟾螂捕蝓雀捕

塘死生得喪不可償虎哉寧知蜩謁能爾哉是非遠在天一方君其實之永世藏

孫元可賦張公石室詩句語險怪辭峯秀拔讀之如神遊洞府而陵果為之犇屬也非身行此洞不知此詩之工蓋其質似盧仝而文麗多之如又加鞭當千里一瞬其視劉叉馬異得名浪矣詩文與我過當誠無足以當之牽韻勉酬真添薪煮箒之舉

君不見談天衍有言九州之大惟一州無論青冀并營幽我其放言學鄒子將子聽之無我尤我騎一紙

白驢子跣梯跣塔走上南山頭萬里以意行一息不暫留捨訝到空洞且作秉燭遊呼來混沌老蝙蝠爾作精怪我則不從教激風怒竅拔木折石一去旬有五日而後返但是有戶則可由積蘇繫塊雖云巧達觀只與蟻壤侔我有五雲車駕以六蒼虬日月行已揭無人觸虛舟何曾見爾懸旌鳴佩朗裝欲飛動玉柱校立直以修大撓甲子有窮盡爾乃祿命難考求皇天大地僅若一雞子金烏玉兔銜得曉夜作箭浮我不如爾許事政覺兩耳風颼颼託死不復生一死可作道者流况乃漢時五斗米師星河耿雙眸石壇

一坐一千歲坐視生滅水上漚水上漚且罷休休無
休於無作樂無樂亦無憂仙人與世人壽夭如相醜
清清愛靜爰自正此舉獨步不可儔信是神仙作官
府蜂房戶牖封君候我偶作此言不比亦不固為何
孫鄉子謂我既與劉為我謝孫子我才愧爾天一陬
不如且飲酒耳熱徒歌謔可以銷遣縣縣不斷萬古
之悲愁悲愁銷遣幾時盡萬古之後重有萬古來悠
悠

春愁詩效玉川子

春陰苦亾賴巧解窮彫毀入我方寸間釀成一百萬

斛傷春愁我欲挹此愁寸田無地安愁藹沃以一石
五斗杜康酒醉心還與愁為謀愁腸九轉疾車轂擾
擾萬緒何綢繆愁思儻可織爭奈百結不可紬我與
愁作惡走上千尺高高樓千尺遡雲漢只見四極愁
雲浮都不見銅盤之日缺月之鈎此心莫與明愁來
壓人頭逃形入冥室關閉一已牢周遮四壁間羅幕
蜜以稠愁來無際畔還能為我添幽憂我有龍文三
赤之長劍真剛不作繞指柔匣以明月通天虹玉燭
銀之寶室可以陸剗犀象水斷潛伏之蛟虬云昔黃
帝軒轅氏用斬銅頭鐵額橫行天下之虫尤擬將此

劍斫愁斷昏迷不見愁之喉若士為我言子識愁意
不愁至不忘以愁生有來田閑愁不足計空言學莊
周日中之景君莫避處陰息景景不留疾行孿足音
不如莫行休因知萬慮為縈愁之絳忘懷為遣累之
舟歸來袖被蓋頭坐從地地鼻息鳴鞦鞦取友造物先
汗漫相與遊朝躋叫閭闔夕駕棲丹邱天公向我笑
金母為我詭酌我以瓊漿玉液朝陽沈濟之濃齊俾
我眉壽長千秋却欲強挽愁作伴愁忽去我無處蹤
跡尋行轉惟有春華鬪春媚一一穉絢開明眸又有
平蕪野綠十百千萬頭鈍悶耕田牛踏破南山特石

頭

艮齋先生薛常州浪語集卷第十一

良齋先生薛常州浪語集卷第十二

詩十

樂府首
雜詩五首

古意

荷芰藕生蓮每憶心中苦擬掇斷根苗絲結千年縷

侯婦歎三首

侯婦歎^臣坐歎蕩子新賜冊先自薄恩私續媿幾巾幘
莫作侯家婦鳩鴉理清瑟幾許白頭人同心縮同室
侯婦且勿歎金玉多滿堂蛾眉不讓人當奈薄情郎

團扇歌三首

田田白團扇輕綃寫蟬雀用之却炎暑生風郎掌握

卷之十二

一

團扇復團扇羞郎引遮面顧景強躊躇隙雲月端見
團團白紈扇奉君揮素手餘涼入長夏結交貴經久

胡無人行

胡無人非無人銀山蹀躞胡馬羣甲光射日開金鱗
鏃長飛雨旌填雲轟庭雷鼓鼙鞞鞞柔然之虵陣蝮
輪傾河鞭石俱逡巡浩歌但來輕比鄰白登幽國公
當聞帝羝久作冥漠君高辛狗食吳將軍胡兒孤矢
非周身控弦雖多將累人狼跳鳥擊虛遊魂驕矜一
息為微塵臬離井底蛙彌尊餘殃積惡天公嗔胡無
人聞不聞衛青去病迹已陳竇候乳臭椒房親胡無

人燕然錯落銘王勳

木蘭將軍祠

聞周黃岡葺木蘭將軍祠不詳其意讀杜
牧之集乃知唐世齊安已祠木蘭用樂府
詩攷之其闕山度若飛之句與今黃之闕
山偶合不必真在黃也按詩木蘭古胡女
我父征役定在何許黃河黑山政是北伐
觀其叙事似燕魏北齊間人名號官稱又
頗差異雖胡燕索魏竇未嘗有可汗之名
魏齊勳官未備唐始十二級而天子有天

可汗之號如兵帖將軍尚書郎之類皆南
北以還官書通語擬樂府詩唐人擬作然
其詞意質樸不加藻繪自有邁往不羣之
氣真北朝人語也要之古者婦人往往有
猛士風烈顧今丈夫曾不如一女子可為
扼腕木蘭以一胡女勲業不大顯數百年
後猶血食江上祠弊而復葺似不偶然感
此而作

人怯山西種誰知掌上身猪羊刀霍霍車馬道鞞鞞
慕府開娘子旂常紀亂臣夢回清鏡對千古茜裙新

車遥遥第

車遥遥弓路逶迤思夫君兮君今知今安適兮南入
楚願為教方逐君語君不言兮轂不聞轂何當兮言
在君

明妃曲

闕下烏雲暗黑旗未央高會送將歸天子傳觴從官
勸單于今正天驕兒上林關鎖多芳菲王嬙困睡花
葳蕤中人驚起道宣喚和戎却自拚蛾眉徘徊顧景
傷春啼秀色悞身生不知工師萬死未足謝丹青始
信君難欺寬莫寬兮長別離下莫上兮徒自疑羶車

未免下宮殿記得當年初入時眉山淡掃雙螺垂擬
高門戶生光輝姑姊提携父母送不教含涕登舟墀
赭黃有淚濡龍衣此身雖是觸事非胡沙萬里少花
木胡中爭看真闕氏言語不通心儘悲琵琶琢就彈
哀思君門萬里不易到檀槽撥斷商弦絲窮寒絕塞
人蹤稀時有天邊霜雁飛憑誰說與漢鄉相西施莫
忘真元龜

惜花引

七月廿四日將旦夢遊廢圃作遺忘數句
枕上足成之頗與前年春草曲同意辭旨

悽怨殆識非佳祥走素不曉音調亦不知

何章曲也

廢圃晨遊舊觀歷歷三經徑已荒蕪歌酒地悄悄無人
迹為山傾仄支柱皆名石桃李無言為人岑寂早綠
暗紅稀春去也歎繁華難覓落花如積誰與東風惜

楊叛兒

楊婆兒共戲來白門楊柳政依依穩稱暝鴉棲博山
鑪侈沈烟裊懷心懽緒繆紛擾語含別意泪空流未
掩宮闈齊閣曉齊閣曉祇傷悲婆兒殺儂那復相思

楊白華

卷之十二

楊白華柳眼自生息風傳華落大江東縮球團絮無
多力柳眼落落不可見淡蕩遊絲空萬億由來宮樹
未成陰踏歌驚斷喧笳笛

秋扇詞

少婦織流黃織就中秋月上有乘鸞女肌膚皓冰雪
裝成一攜手奉君端暑月感君清涼意薰風為君發
落葉下驚秋與君此回訣素質不勝愁從衡網珠結
招搖邈烟霧青鸞影遼絕有物感君懷騰口知何說
分命故應然不是君心別

秋空辭

秋空淨無瑕耿耿挂明月有人捉月試騰身騰身直
上黃金闕黃金宮闕高嵯峨駢頭從目相誰何仙人
顧之拍手笑使我言語能多囉言語多囉還有考天
公何言固無口秦書趙史欺我哉紫氣充庭是天道
通明廣殿凝非雲日月照耀如環循蝦蟇老鴉恣吞
啖我欲叱之神羊噴夢中將謂天難知夢回塵事故
依依天大故能成變化覺夢不勞評是非

擬古

春飛紫鴈秋飛鴻雙成阿母長相逢誰家窈窕窺綠
窗藕花菡萏清池風壁璫翡翠雙明月寶釵玉釧衣

如雪年可四三當有情語音嬌軟疑卿卿天公一笑
回金電不似當初不相見

相逢狹邪間

歐車逕長坊長坊劣容綫繚遶狹邪間相逢記君面
君家人共知共知不難求朱門颺疎柳虹梁架芳流
庭除清且閑馳道直以修中堂真壯哉黃戶雙蚩頭
亭亭丹桂華燦爛明人眸主君三男兒三兒倒封侯
大兒尹京都中兒相凝旒小兒奉朝請籠街進鳴騶
三兒俱來歸青絲控驂騶三兒俱上堂大人百不憂
三兒俱入室四座沈烟浮蛾眉盡妖艷三婦不可侔

大婦鼓鳴瑟中婦彈箜篌少婦獨凝眸醜顏半嬌羞
丈人且躊躇世有此樂不

怨歌行

男兒多負心女心良易知琴音和且諧何以得淫思
文君慕相如慙慙夜于飛不惜鷦鷯裘愁成遠山眉
茂陵獨何事為顰效東施興言念疇昔卿紅淚如璣
彈作白頭吟深心寫琴詩郎聽弦上聲妾志終不移
清商感人情兩意亦以非文君獲所願相如悟沉迷
寧能已消渴琴臺遂同歸妾欲理絲桐絲桐亮以悲
謂言無終極當非長別離

艷歌行

雖雖雲間雁南飛北軒翥袖理幾多人兒夫獨羈旅
郎書憑誰寄妾意憑誰語賴有雙鯉魚尺素為懷取
歡子今來歸還羞入朱戶告之莫流宕天靜星可數
星子何昭昭行不如歸去

妾薄命

魚生蒲藻中河水以為依傾河竭其波魚藻將何歸
妾作君家尚界微勤身絳絲曠夜午不下機憫君書
幌勞寧教食無薇緝緝兒與女號寒復啼飢怜之小
顏色訂餌攀班衣君登名利塲妾喜神欲飛今君位

通候崇頭建黃扉忽令家人子舉動生光輝妾昔顏
如花因君損芳菲君去春無迹潜然淚紅璣自怜承
事君為他筋頭肥妾命薄如紙虛牀但歎歎憶昔在
家日慙癡弄庭闈爺娘念嬌子深心愛其顏人間愁
未知結髮為君妃姑嫜時在堂色養親無違慙慙百
憔悴可道才依稀誰言當見君崇高位巍巍君官知
漸寫人事覺已非非關君二三妾况凋寒威恨無長
門賦可以使君磯更長不再眠入戶多蜘蛛妾有青
綺琴愁來為君揮琴詩無別意黃綵憂裳衣昔作掌
上珠今逐駕下駉珠藏不復媚車行在觀旂幸君且

留連知音世誠希歲寒須見梅何花耐催遣

陌上桑

羅敷秦氏女皓腕潔如霜寶釧瑤明月領中疏以長
柔柔正沃若采采官路旁使君從南來一見神已傷
五馬會且止調之逢國王自名良家婦狂夫漢中郎
閨門甚修整芝蘭遠芬芳奚為致此語不是邯鄲倡
去矣勿復顧風來語流香蕩子踏歸陌駕言割人腸

從軍行

人道從軍樂我道從軍苦為問何所苦無苦汨沒汝
汨沒何可傷政可虜戎王萬里浪馳逐征役未遽央

太行汝勿登回復九羊腸黃河汝勿航波流水湯湯
胡然弃平生欲往無梯梁夫君且淹留後繼當汝忘
長蛇叵復夢南山強深藏戎甲豈不堅我馬豈不良
人生會有死義死良所傷將軍不汝信談笑成犇亡
誰何幸際會虎伏而皮羊之子方文食何時飽粃糠

戚戚復戚戚

戚戚復戚戚如此春意闌紅梨褪深暈青梅結微酸
向之一悽慘飢腸廢朝飡垣城五圓缺美人隔雲端
裘情叵自禁陡覺衣帶寬芳菲日凋謝動作不遑安
咄哉黃粟留接翮語何繁小鳥得于飛而我別所歡

夜來風雨惡中唐水漫漫故鄉貧亦好楚客日南冠
男兒志四方愧此柳下官安得買山錢靜處把釣竿
高懷未易償歸有道路曼叟坐作遐想心體何自胖
行行大刀頭無生話團藥

自君之出矣

自君之出矣珠網弦篁篋憔悴損容色晨朝懶梳頭
頭上雙爵釵脫髮應難留因心持寄君君還知意不
金以表妾心釵能感君眸長安多美人陌巷多高樓
君如有兩意持此買名謳妾本侯家女生平不解愁
十九為君婦如今幾回秋生兒妾樣長君方遠行遊

妾顏益以悴君心自悠悠方諸空有淚圓月難為鉤
死灰不復然知君亦行休寄言天地間于以寫我憂

石上好種麻今曲

石上可生麻麻生豈成畦嫁得蕩子猶如太常妻
我作少年行長安走新街長安三月春桃李百花开
平康諸女兒艷麗驚寒梅蛾眉門連娟佳期不須媒
投我以木瓜當歌共傳盃歌散繫懷抱知君在空闈
期我以立春清明未云來應作憶秦郎高樓寄徘徊
鸞膠世若無斷續何當諧閨中儻相憶薰風有時回

春蘭有真意

春蘭有真意窮居在中谷端不為人香無言自幽獨
我家甌蒲東筠扉鎖修竹頽然彼粲者天翹散餘馥
五年客異縣對眼蠶塵俗百華盡妖艷信美非吾族
延陵慙遊豫佳期未云卜同心弗我忘迎人見青目
雖微九畹滋風動情亦篤當門謂應鋤吾當為之哭

七哀

秋風生夕涼吹我東閣帷中有宕子婦清歌寄愁思
為問愁何為良人長別離銀缸吊隻影霜雪堅自持
君為黃河流妾作月桂枝東西各異道邂逅不可期
願為衣下裳結束隨君衣君衣何當披十年守空閨

曹植七哀詩託興於夫婦寫其離愁羈思俯仰感
切之意所謂七哀也說文選者猥曰子建為漢末
征役婦人作以七哀為痛為義為感為怨為耳目
聞見為口歎為鼻酸而哀未學所未詳也因擬詩
而知其趣故書

鈞天曲

清都太皇居窈在冥冥間神光貫中極希微烟非烟
紫宸邃以虛絳闕高於天受職徠百靈肅雍寰大饗
通明殿張樂玉京山九奏感人心萬舞形物先谷神
靄清唱黔羸撫鳴彈緬彼世間音下里何媿娟闐闐

響雷鼓踰躩舉雲鬢習字小垂手日月兩彈丸陽春
假優裝投霓忍高弦壺矢一笑電歌風發三嘆呼吸
成千塵神仙詎長年峩峩帝王都積蘇浮九埏簫韶
間猗那鬪蟻蚊雷喧蟲沙與猿鶴等細不足言遺音
寄五柳海山學成連

款乃歌

款乃曲名見元次山集讀如襖靄柳子厚
集字作款乃又劉言史瀟湘詩曰援廼知
從何處生當時泣舜斷腸穀音復不同今
名從次山詩從言史

款乃兮江湘繚兮繞兮衡之陽龍衣兮黼裳帝何之
兮陟方我不見兮攬我心腸款乃兮蒼梧杳兮渺兮
遠隔重湖龍駕兮鸞車帝何之兮升遐我不見兮泣
涕漣如雲夢兮漪淪款乃兮峒嶺岫青天兮白雲
帝何之兮上宵我不見兮感此下民

菊冬榮

時乎時乎去去如車轂之運行瞥然過目無留停追
隨無不及我待東籬菊花無耗迤邐直到陽冬始專
榮樂樂離離徘徊蔓衍布坵坂碧為之葉紫其莖爭
妍騁媚芬芳吐如金如玉之繁英含霜萬顆好顏色

節雖可尚時難并惟重陽日月二九之嘉會此時抱
一符乾貞年年閨里交相慶賓朋相將相喚携手登
高陵采茱插鬢款終日揉擗碎蕊滿瓊浮醪醺乃今
候遲閨冬益其如金烏自飛馳走豎黃華從此後期
拆狂教陶令舒手望穿兩眼睛殊不見甲蟲與牙萌
花誠細事足多惜時良不遇令我傷衰情聖王作應
五百歲文昌歿既三千齡中間賢君苦無輔唐宗世
民周禮崇孔某無位皆汲汲到頭畢竟嗟無成應如
此花時來不吐穎過期無用還叢生叢生失時又無
用蹉跎畢世空冥冥于嗟後聖不時作使人兩淚霏

零零不如及花開香醪但時傾莫教花悴後有辜負
花名

樓上曲

樓頭月白良夜深美人睡起搗胡琴唧嗷怨抑如誠
訴四絃了不諧琴音推琴凭欄歌一曲為教不成氣
不續和愁擁面歸錦帷曲肱展轉愁相屬床前蚊蚊燭
光熒熒乍明乍滅如參星卷衾起來問高燭能知妾
意還不能燭如不解人深意如何伴妾長垂淚澄思
微物本無情有懷觸目皆傷志眠來復坐坐復眠不
交兩曉特泯然自惟命薄多離恨春宵鎮長遲曙天

親知問得郎書不低頭無言淚紅雨遲回捩淚強為
容不成一語愁還主何人遠自日邊歸殷勤為問郎
歸期待得郎歸與俱隱不教被劾緣蛾眉

武陵行

秦君植木咸陽市秦民血作東流水秦風薄惡發秋
荼秦郊行人半無趾祖龍虎視吞六雄漆城隱隱陵
雲起驪山罷休營阿房匹夫奮臂為侯王重瞳隆準
騁逐鹿非冬積白何雪霜至人知幾忍徒死競遵大
路逃彼方從茲不復通上國不如戈鋌不見德耕田
鑿井自希夷安居守分無餘職抱孫養子樂天年義

皇何遠今其域自從別祖來避秦無文不記幾世人
曹劉典午任強弱歷年六百何紛紛山中既絕中原
路從更百代猶無聞武陵野人事漁釣獨遊沅溪忘
故道沂流探得桃花源舍舟洞口窮幽討洞中逸民
忻見之共嗟事詢其老為言上世絕塵由殺雞命酒
爭獻酬具聞閩內戰爭事始知違俗為優游鄙夫何
知尚懷土怱怱須別還中州塵心已萌淳樸散桃源
咫尺仙凡判還求不得曰仙鄉寧知死生無少間相
望如隔一世間到今沅山色蒼蒼流水滔滔花泛泛

貴遊行

卷之十三

沙堤大蓋何穹窿
衣人佩玉鞍蒙戎
儻如熊虎馬游龍
誰何出入咸陽宮
笑刀瓠體顏芙蓉
步趨持重為雍容
諸侯爰統掌百工
調元為職裨九重
萬錢一食敵鼓鍾
猶言下筋終無從
異時糠噉腸不充
家徒壁立其室蓬
抄撮語麗文雕蟲
繪為綉句欺南宮
不分菽麥儔知儂
且無萬卷澆胷中
脂韋嬰榦陳小忠
竭民膏髓自為功
榻毒觸事惟迎逢
肯思責難始為恭
君王謂賢拜三公
門如沸湯賄路通
財侷賒官邑侯封積
金猶欲齊瀋密
家有錢爐非範銅
賣官鬻獄揚成風
後房的爍燕支紅
皆民女婦來無蹤
有憂失得

常忡忡殺賢賊能摧英雄
汲將同類塞要衝
害苗之心饒蝗蝥
忽鸞射羿逢蒙弓怡然自得
豁心胷黠如抹漆何赤衷
向人自欺吃匪躬
高自標置人盲聾言立便擬稱儒
宗學禪談俗坐談空
元非友朋相磨礱世間將謂無軻
雄言出波流士與農
却矜巧宦官既穹笑伊魯儒
嗟道窮那知達人節
青衿跡而土苴及蛆蟲
古今異時理道同
姦邪未必皆令終
君不見晉朝失國隳金墉
為奴為醬豈惟懷愍巡北戎

夢仙謠

長城後罷驪山起
秦人斷念還居里
一呼或化為候

王避之却是神仙子漢家宮殿生荆棘桃源樹長春
色花香破鼻桃離離只在人間人不知夢中有客曾
一到屋舍衣裳殊草草狗彘雞豚還治生若度流年
不知老南華斲璧連天起人家庭戶多流水紅碧天
桃百種花不是几間錦和綺仙人容貌閑且都居處
雖貧樂有餘老子桃紅入雙臉皤然只有銀為鬚仙
家女兒多茜衣桃花宜面葉宜眉離宮茅舍略相似
別有譙麗璇為題仙君名字猶屬秦許由往往陪遊
人老人石上問行客傳今幾世秦之君為言天下方
南北人鹿千齡經幾得嗟說來時桃始華桃子而今

未成核祖龍往日親曾見六合連兵事攻戰北城紫
塞南陔梁傾貲未足供輸挽誠知黔首無聊生側目
有誅正視行刑剖心不獨商王受當時論殺諸儒生我
本何辜一何幸避後離鄉共止命石髓藥苗聊解飢
經年陡覺儕仙聖訊今丞相胡為者振古如今同土
苴驚起城頭角調哀頓覺令人小天下秦政求仙徒
爾為避秦後夫能至之還知道可無心得學道有心
無乃癡事異於桃花源記
者皆夢中聞見爾

陶潛伍安貧記黃道真悞入桃花源事世傳以為
仙或曰非也近人有夢遊仍夕者道所見聞為作

夢仙謠乾道三年孟秋幾望翼日記

谷里章

上有青山下有滄洲步有回波面有紅流吞吐風雲
呼吸崑崙審能處之可銷憂退谷中人帶笈簪山中
繚繞茅舍旁寒泉之流激琅琅雙石西峰我在東無
情鈎如此漫郎性情荒浪氣志剛東隣之人揮鈎車
胎鰓孤鱗浪屋加鈎綸相投不違舍輦斷會懾歸吾
家我藁我笠聊自娛沒溺愧彼隣舍漁沙門招提宅
谷西金僊宮殿雲漢齊撞鐘擊磬禮耶毗子款詣之
持清齋箇中有人坐無為飢飡困眠氣答醜撫掌哈

然笑呵呵吾昏將奈此子何漫歌八曲音清冷風高
水寒三歎鼓勿哦大洞修黃庭谷中之樂寔難名長
江北來樊水流東樊山水曲大回中儵儵之魚泳油
洋鈎舟漁人鼓鳴榔浩歌一闕清滄浪終焉無求漫
相忘大江之東叢石起豁訝聚石江鳴水小回中間
浪不惡鈎臺嵯峨瞰城郭去來客船是中泊漫成二
闕回中曲家人仲謀當漢衰建安之際鼎祚移江淮
萬里吳帝之冕旒十二龍卷垂略車華蓋日月旗荒
墟之中不可求宮室故處春草青長刀大劍可治生
我先田老相次耕大夫勸相歌三成江北洲西陽國

蕪城桑柘彌阡陌，掃可力蚕身。力穡四歌不用愁，衣食一元大武牽。何之良田附郭吳，東隣牧童田父麻。單衣叔閑修治木，駃騠從吾真者真。吾兒西陽罷田，能飯嘻五歌六歌。神自怡，李甥叔靜蕩雨漿弱翁將。船欲安往大回小，回閑釣魚送客便。擬酣醺如酒徒之，誚謾浪名世俗交加漫不聽。行無惡客相逢迎，醉歌七終將八成。杯樽杯湖上，杯亭浪翁杯飲醉少醒。嬉然自打舴艋行，菰蒲芰荷出青萍。仰天大笑風冷冷，杯湖西南為退谷。壽藤纍纍紫，壽木涓泉轉注淮。樊曲醉耳瑤琤亂，鳴玉城中友生綰銅墨。身脩四殊

攸好德，窪樽日醉主與客。挾以石門天地窄，杯湖退谷人好遊。可厭之類乃可羞，忽焉草木成高休。此遊此泛生幽憂，泉明之風繼者誰。士源孟子接武來，嚴霜皓雪春風熙。倒置日月寒溫移，來遊者子充良知。子能得之可勿疑，此道不迂不回。適子能識之可遊，佚勉強行之今是古。谷中之人君鍾武狂生作此谷，里章意追浪叟俱相羊。松風颼颼蘭草香，與君壽考終不忘。

雜詩

東坡 東坡思古也

卷之十二

江之廣矣一葉航斯東坡遠矣企而望斯彼草蒙茸
翳于雪堂泱泱濫泉橋亦云知人知其名我懷允實
崔嵬者山有環彼室江之廣矣跋而髣髴悠哉悠哉
如泉流以出我思古人寥其久矣文如爾矣我心起
矣雪堂之北矣曷為其止矣人之匪矣若其已矣我
之鄰斯一江之巨我之末斯忽如其寓有懷北堂顧
如以仆相之彼道人隻眼之云具道人守雪堂者善
鑿眼懸隻眼以自
見

淵魚 淵魚自悼也

躍躍淵魚言泉之涸有束樊籠既幽其鶴春言懷之

翰飛戾天薄言存之沐于重泉蹙蹙何嗟靡生靡活
胥失其淪上下靡所察視其淺矣宛轉于泥就其幽
矣安處于棲匪我之云為何邊邊何歸曰有虞衡莫我
肯知亦莫我肯悲父母何其嗚呼蒼天蓋亦忽思尾
魚既賴鶴樊既鳴孰聽其聲孰視其形豈無高天翱
翔靡路豈無重泉戢戢靡寓洋洋者魚惟淵之實鴈
飛于九霄時豈籠中物

誠臺瓦鼓詩 培鼓樂有稱也

瓦鼓培培寘之誠臺誠臺有稱不草不銅不尚其踐
自天之性天性如之何至質無華有稱如之何埏埴

無如誠哉誠哉其儀孔嘉瓦鼓培培誠臺之上崇基
有燠可據而居可憑而望其決潏瓦鼓之培然稱臺
趾之隕然抱峰嶠之巍然誠哉誠哉紛會意之颯然
瓦鼓培培誠臺之下筠鄉有楚掃地而居修竹猗猗
培其反古五畝之竹兮彼培者

在彼塿兮在彼塿兮稱此麓兮誠哉誠哉會我獨兮
瓦鼓培培在彼青林有象無音稱臺觀之歛岑稱筠
竹之清音樂稱走之誠心豈無胡床可將可坐豈無
鼗鼗可鳴可播而培鼓以無和誠哉誠哉不如其壻

端午寒溪早出

雲天鴻濛烟蘿冥蜜寒溪綫遠荆江壁出竹徑晨遊
霜風颼颼有懷碩人遠在清汨不競流芳矜此誠臺
道存語外泓潭納日形模比榔澗如石室萬派瓜分
無往弗徹吾心憤焉莫可致詰

志事八月九日作

我生之辰六月甲戌師伯清塵羲和納日粵有氛祲
南自簞門輪囷扶疎英如白雲高減儲胥來循軌道
面阻清池岐分繚繞珙如隄立不即我庭直建干房
視左為榮載明載滅載高載界甲夜籌三侵尋以微外
戶如之何秋空澄霽庭內如之何靜無纖晷我門我

藥豈伊異人何吉何凶祥讖誰詢發書占之曰音受
徵公正司辰廉貞變起時維寬大斗建移申律中參
陽干庚歲寅庚刑甲祿三合離鄉土墓加臨金剛火
強白維王氣金方火死從革之占庶乎近止我非瞽
史詎易談天禍福由人無論未然曷言常度特曰休
祥尚疑白晝為沴為殃皇天降異豈緣微物霆擊飛
霜其何能忽我顧休明闕然醜汗可無大戾天為譴
見妖星垂象尚克殞之酒血紅杯亦既泯之邛縮陰
誅尚容改悔變見之來庶無大罪皇天降威謂我修
省夕之朝之敢忘申儆戰戰兢兢念此天變蔚炳如

之何無思革面

艮齋先生薛常州浪語集卷第十二

